

外史

七

和書門			
四二五五	六	號	類
一三三	函		
一二	架		
一六	冊		

和書類			
四二五五	六	號	類
一三三	函		
一二	架		
一六	冊		

內閣文庫			
番號	和	42556	
冊數	16 (2)		
函號	140	113	

史傳載紀

新刊紙本






A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





日本外史卷七

足利氏正記

足利氏上

足利氏出於源義家義家在京師其子義國以事謫關東

居上野生二子義重義康義康食下野足利郡因氏焉為

險非違使左衛門尉保元之亂從源義朝於京師衛守大

內捕平家弘補藏人聽昇殿生三子義清義長義兼義兼

雄偉而循謹其二兄皆為源義仲將西與平氏戰水島死

之而義兼從征夷大將軍源賴朝于鎌倉最見親待從擊

平氏筑紫又從擊藤原氏陸奧陸奧再亂義兼統諸將行

討之賴朝因定天下奏擢之上總介使北條時政以女妻

出修齊書卷七

之生義氏義氏數助北條氏靖其家難為正四位下左馬頭義氏生泰氏泰氏生賴氏賴氏生家時家時生貞氏皆居足利旗用白旗號重畫細川畠山仁木岩松桃井吉良合川斯波石橋澁川石堂一色諸族皆出於足利氏足利氏世與北條氏婚更相倚賴然家時貞氏自負門地地立人下思俟時滅之貞氏娶上杉氏生二子曰高氏曰直義高氏稱文太郎任治部大輔直義任兵部少輔高氏為嫡嗣娶赤橋守時妹生子千壽赤橋北條氏族也元弘元年後醍醐天皇起兵據笠置山討北條高時高時乃遣高氏直義等征攻之高氏兄弟時丁外憂強起而西城陷乃返二年高時流天皇于隱岐立光嚴帝已而帝歸伯耆官軍

並起攻六波羅府帥北條仲時北條時益數戰不利而時遣高氏及名越高家趣援高氏有疾不欲往強之再三高氏大愠乃答使者曰當不日發矣因陰謂其親信曰彼舊為我家臣隸時遷勢變乃至僕役我我欲以今日歸官軍以興我家如何上杉憲房細川和氏等皆贊成之高氏乃欲挈家行政說高時曰源氏失天下兵權久矣今日之勢焉知其無異圖宜質其孥且要其誓高時然之以溫言來請焉高氏患之謀於直義直義曰公欲誅無道神豈不右焉要盟神所不蠲也宜留親信護孺子而夫人則屬赤橋氏當無所憂公第聽彼所言亟成大事高氏從之高時祖道取一白旗授高氏曰是自八幡公傳至右大將而我

家受之者請以爲贖八幡公謂義家右大將謂賴朝也尚
氏受之心竊喜焉乃率直義以下宗族三十二人兵三千
而西至參河告謀於其故黨吉良貞義貞義曰臣固將言
焉高氏意益決抵京師即密使使伯耆請降帝素聞其家
聲則大悅賜使者以邑敕曰諸國官軍女其帥之以滅國
賊賊滅之後賞當從所請已而名越高家後至與官軍將
源忠顯赤松則村戰于狐川敗死高氏方張宴于桂川西
指一佛舍問其名或答曰勝持寺高氏哂曰吾將勝而持
之矣乃聲言往攻行在遂上馬行入丹波四月二十七日
至篠村建旗于八幡廟前州人久下時重以二百騎先至
旗號一番字高氏見之問故對曰右大將之起自源重光

先衆而至右大將親書賜焉遂以爲號尚氏大喜曰我孫
之嘉兆也五月七日高氏引兵南攻六波羅自祈戰勝納
一矢於廟直義以下宗族皆傲之矢積成堆乃發沿道兵
皆附之比入京師凡五萬人軍于神祇官址府帥遣兵二
萬來拒我軍擊大破之與忠顯則村合兵圍府細川和氏
說曰圍之者固彼志而損我兵也不若誘而走之高氏乃
闕其一角果多逃降者府帥遂奉新帝走死近江高氏乃
奏捷於行在帝乃還闕廢新主而復位即日以高氏敘從
四位下任左兵衛督聽昇殿直義敘正五位下任左馬頭
以甲士五千扈乘輿後於是高氏遣細川和氏與弟賴春
將兵往定關東先是千壽逃歸下野聞新由義貞起兵往

從之義貞義重遠孫也北條高時伏誅鎌倉平義貞關源氏故器得自旗幟號重畫新出氏號中黑故不可用和氏問之以其有足利氏之號就而求之義貞不與也和氏乃大稱高氏在京師得寵遇狀以搖將士將士稍稍去義貞就千壽新田氏於是與足利氏有卻而帝方寵高氏進從三位參議賜御諱尊字改名尊氏十二月遣皇子成良鎮鎌倉直義執權焉建武元年廷論戰功尊氏爲首管武藏常陸下總守護國義管遠江守護時關東承大亂之後人心未定直義修北條氏舊政招散亡撫瘡痍遠近歸心焉而京師之政務改其舊徵守護地頭食邑二十分之一以修大內又造交鈔氏不便之朝廷臣僚異時爲武人所輕侮

者至是竟驅役武人武人效力於興復者奉狀冀賞羣衆闕下有司不能甄別月餘乃定十餘人而內敕已以北條氏邑分給於妃藤原氏皇子護良等其餘悉散賜京官內臣歌童舞妓六十餘州無復遺地當是時朝議內吉相爲抵牾往往數人同爭一邑許食邑如故者旋被沒收赤松別村授播磨守護已而禰之厓食佐用一莊時有綸旨禰覆之譏諸武人私相語曰如是而不止我輩皆奴虜矣安得戴一將種執天下權尊氏聲望素著衆屬意焉皇子護良爲大將軍心深疾尊氏尊氏之初定京師也護良將殿良志不戰其下尊氏補十餘人衆之護良怒欲討尊氏帝不聽護良耽聲色又喜客客多奸豪酣而殺人又私徵兵

圖尊氏尊氏得其徵兵書上焉誣以謀反帝乃使人執護
良流於鎌倉直義迎而幽之是歲北條氏餘黨本間滿
作亂直義遣兵擊夷之二年北條時行起兵數攻鎌倉直
義迎擊不利遂奉成良西走使人陰害護良報急京師尊
氏請自將東伐被許又請任征夷將軍管領關東不許曰
俟事平議之尊氏怒不告而發諸武人奮躍爭起從之至
矢矧驛合於直義自海道進與時行與七遇七捷遂入鎌
倉時行兵奔浪詔敘尊氏從三征義詮從五位下義詮
千壽也又詔趣其西歸直義譏尊氏曰朝廷與義貞皆忌
公公免而至此人也何再越俎日為尊氏從之於是日
征夷將軍關東管領曰帝所許也請將于源賴朝故基負

有功納降附收新田氏邑在關東者割予將士將士爭附
之京師傳言尊氏反帝使人往詗焉而細川和氏齎尊氏
幼新田氏書至曰嚮當東藩之為逆臣尊氏以身為倡首
奮臂一戰決勝瞬息義貞舉事於不得已及聞臣定京畿
乃以討賊為名三戰不克纔為守計臣長男義詮起下野
遠邇爭歸義貞憑之以得克賊遂攘其功敢要重賞是國
之蠹也今臣勞苦於外而內有讒諛之臣是非趨高專秦
章耶降楚之謂乎願得明詔以誅義貞義貞聞之亦收足
利氏邑在其管內者上書告護良遭害狀時直義密徵諸
道兵西國得其檄上之十一月遂詔削奪尊氏直義官爵
遣皇子尊良來討義貞為副焉當是時諸國兵士趣關東

者與歸京師者東西旁午道路如織直義以下將校盡戎裝入見請邀擊官軍尊氏默然良久曰我官位顯達得伸宿憤雖由微功豈非君恩恩可背乎今之所以觸宸怒曰我親王也曰徵兵也二者非尊氏所爲詳訴其冤猶得霽威卽不被許有削髮遁世而已諸君好自爲計尊氏終不能西向關弓矣作色而入諸將愕眙居二日有來告曰我貞至參河矣上杉憲房其子憲顯細川和氏其族賴春等並謂直義曰將軍所言非無理也然天下武士翹足思一聞將軍起則雲合景附矣將軍豈不辨禍福乎今曠日彌久使敵適要害悔莫及焉直義乃使諸將先發再戰皆敗直義自以二萬騎趣援亦敗十二月諸將皆詣尊氏第

第門閉矣衆亂敲之有一人出曰將軍逃建長寺欲削髮伐曹百方止之切髻而未剔也將士大沮憲房義子重能僞作官檄十餘紙曰尊氏族類罪惡深重雖遁世晦迹而勿得宥釋直義持至建長寺泣曰獲之敵死尸中尊氏就視大息曰誠如是乎則吾亦當從諸君執弓箭與義貞決死也乃釋法衣穿錦袍而出諸軍大喜驩呼皆自切髻以亂其狀將逃降者四面來還一日號三十萬直義先將六萬拒義貞于箱根官軍稍卻尊氏聞之以十八萬騎繼進曰拒其面不若出其背引兵出竹下竹下官軍呼譟而進赤松貞範等爲我先鋒望其陣曰是京兵耳乃聯鋒馳上官軍敗走尊氏追北至伊豆府義貞西走乃假義誑守餅

合而合軍追躡之京畿震駭帝遽榜廟堂能拒賊者有重賞莫復應者延元九年正月尊氏攻義貞于大渡我軍溺先是赤松則村叛應尊氏狗下山陽細川和氏從弟定禪顯氏並在讚岐徇下南海至是定禪等與赤松範資兵攻山崎尊氏聞之遣貞範助攻破之義貞願而敗走奉乘輿據叡山尊氏乃入京師範資貞範皆則村子也於是尊氏誘園城寺下之遣定禪據焉以逼叡山會北畠顯家舉陸奥兵入援行在定禪連請益兵尊氏不以為意且曰定禪敗還義貞追至陣于東山尊氏指語將士曰聞義貞喜平地騎戰今負山不出者意其兵寡使我不識兵數耳此一將嘗之不利卻尊氏乃親進會敵兵雜入我軍軍遂

亂走及日暮敵亦引去細川定禪謂其兵曰敗由於我我欲一雪其恥料敵兵皆疲不疲者出掠可以襲也以兵三百夜返縱火其前自後襲之義貞果不備敗走定禪追擊獲其將領數十人尊氏復入京師已而官軍復來攻我軍不利陸奥兵二萬騎火采山口而來尊氏望之曰彼其北畠氏也吾自當之進鬪于四條義貞軍大至我軍顧之遂敗走止戰于桂川鑿其一隊官軍乃引還尊氏復入謬聞義貞等死其兵逃走也分兵要之官軍乘虛來攻尊氏敗走丹波二月尊氏趣兵庫熊野道右者在軍中與廢主臣僚相識尊氏召而謂之曰吾之數敗非戰之罪也以吾負賊名豈爾吾如欲樹立一皇胤以其悉在叡山不可如何

吾意廢帝抑鬱不得志久矣汝安爲我得具詔旨吾將使
兩主爭位以成吾事也道有諾而去赤松則村請尊氏入
保摩那城或曰是失天下之望也今見兵猶足以取京師
乃屬兵於直義東上戰于豐島敗還會大友貞宗大內弘
世等以兵艦不接迎擊官軍于湊川又大敗則村又說尊
氏曰師不可用公宜留諸將于中國及南海而身趣鎮西
以圖再舉尊氏從之與書則村呼之爲父以深結納之於
是尊氏與直義乘貞宗舟而西諸將士多降義貞義貞驕
怠耽溺女色不復窮追尊氏尊氏得達赤間關三月菊
池武敏起兵應官軍攻殺少貳貞經貞經遺囑其子賴尙
曰吾爲三浦義明也女體吾志慎仕將軍賴尙引兵迎尊

氏尊氏問貞經死否賴尙恐沮軍氣也答曰訛傳耳因尊
王宗像氏會武敏來攻尊氏上香椎祠以望其軍可四五
萬騎而顧我兵僅五百人鎧馬不具曰吾死矣乃進陣赤
坂遣直義先進賴尙曰彼鬪士不過三百其餘聞將軍至
皆將降也進戰于鞆濱仁木義長細川顯氏等奮搏敵兵
刺鎧奪馬而進會北風起沙石皆走敵兵沮卻直義憑風
縱擊追至博多武敏以全軍返戰直義自慮不支馳使尊
氏截衣袖遺之爲訣曰公亟走長門直義將留死於此尊
氏得報曰吾弟如死吾何生爲親將赴援松浦氏神田氏
謂大兵至矣舉其衆來降合擊大破武敏軍追至太宰府
於是聞貞經定死尊氏直義爲之舉哀尊氏乃遣一色賴

行仁木義長攻陷菊池八代諸城鎮西皆服而中國南海諸將又並起應之義長兄賴章與久下時重等携丹波赤松則村據播磨石橋和義據備前於是義貞攻則村白旗城壁未成則村詐遺之書曰元弘之初臣數控強賊而嘗出於降虜下故背此嚮彼豈其志也願得州守護以圖報效義貞喜爲請詔旨往反旬餘詔至而壁成則村還詔書不受曰守護已獲之於將軍矣何以此翻覆論旨爲我貞大恚合兵六萬圍則村使弟義助攻石橋和義和義則村皆堅守不下遣使告急於尊氏五月尊氏使賴行義長守鎮西而率諸軍發太宰府至嚴島會僧賢俊奉廢帝書至尊氏大恚令諸將立錦旗遠近競附兵艦此七千餘艘

進至鞆津以少貳賴尙策附二十萬人於直義上陸援福山義貞遽釋圍而走作前乃波美作官軍望風解去尊氏至室津赤松則村出圍迎謁收敵所遺旗幟百餘于城下以獻尊氏視其旗號多故部屬曰避害焉耳今將來歸已而來降者果多而陸軍亦會夾擊楠氏兵于兵唐麿之合軍擊義貞義貞走歸復奉乘輿據叡山法皇廢帝廢帝弟豐仁親土皆託疾不從行依尊氏尊氏據東寺爲城六月遣軍仰攻叡山不利義貞退入京師尊氏伏兵于衢巷而出竊兵且戰且卻誘敵入京中伏起大戰義貞敗走又聞義貞計夾攻也乃遣兵邀擊走之義貞誘興福寺僧徒令畿內南海兵絕戎糧道乃遣細川定禪今川範國擊走南

海兵七月義貞以數不得志計四面來攻藤原隆資先至
攻南門我兵盡北出拒義貞獨高師直與弟師泰在焉出
戰而敗敵焚門樓城內惶擾尊氏方誦經自若上岐賴氏
侍座曰惡源太如在於拒之何有惡源太其子賴直也適
賴直入見賴氏喜問曰北面之戰未乎曰不知也適在三
條望東寺烟揚乃還耳師直曰敵至南門煩公出拒賴直
諾而出尊氏呼返之賜之寶刀賴直拜而受之自北門出
於敵左下馬而射敵兵亂潰乃上馬騎而馳之手斫六人
師直等復出援擊遂走隆資而義貞已至北門請與尊氏
各獨身決鬪尊氏奮然起曰亟開門吾非敢敵官家獨欲
與義貞決耳上杉重能諫曰彼弱而出於此將軍何自輕

地會土岐賴遠被大宮敵乘勝踵義貞軍後義貞大敗傷
其左肩走歸叡山足利氏於是議奉廢帝復位眾以元弘
事以為不祥也八月乃立豐仁親土是為光明帝號用建
武後改曆應尊氏為權太納言直義為左馬頭九月議以
利昭興福寺令足利高經以越前兵小笠原貞宗以信濃
兵並絕東北糧道又令佐佐木高氏援貞宗擊新田義助
兵走之叡山援絕食竭於是尊氏陰屬書焉曰臣初被
讒獲罪削髮待命而義貞義助假公義修私怨以至於此
陛下苟諒臣志迴駕來還則當歸政朝廷諸廷臣安堵如
故帝遽納之義貞聞而弗憚帝使義貞奉太子赴越前而
命駕還關直義將兵迎之乃為新主請劍璽帝傳偽器乃

禰文臣官爵執武臣寘帝于花山院請其詔下越前足利高經因并州兵圍義貞于金崎又遣高師泰助攻之既而帝逃走不知所之內外驚駭尊氏曰是吉祥善事也使帝猶在監護無期亦不可襲承久死弘之爲而余乃如是豈非善事乎皮其必在畿內任其所底而徐圖之可也二年瓜生休自柚山拔金崎師泰令今川賴國逆擊破而殺之金崎益困義貞出走柚山或說師泰曰聞城兵不浴馬得非糧竭食馬也於是師泰高經凌城登城兵果飢羸不能戰皆自殺太子就虜後遭害時帝在吉野建行宮焉自是天下稱涼師曰北朝吉野曰南朝義貞復赴柚山高經拒之義貞少子義興與北畠顯家起兵關東義貞在鎌倉

遣細川和氏上杉憲顯等振利根川收還冬顯家以十餘萬騎逼鎌倉鎌倉兵可一萬諸將欲避匿安房上總間義詮時十一歲叱諸將曰勝敗兵之常也即怖敵不若不將義詮在此望衆而逃天下謂之何我兵雖寡猶可一戰不免則死免乃避匿尾敵而西與家君夾擊之耳諸將皆奮分兵爲四逆戰不克奉義詮逃匿顯家等西上諸將乃起尾之明年正月至美濃土岐賴遠桃井直常與顯家戰以不克顯家焚掠而進京師諸將諫押宇治勢多高師泰曰自有隙有拒於此而克者也何者攻者勢伸於千里之外拒者功縮於咫尺之內焉爾不若邀擊之畿外尊氏曰善附顯家以爲人赴美濃背黑血川而陣顯家避之取路伊

二月師泰追擊之雲津破之顯家入南都將攻京師高
直薦桃井直常往擊直常與兄直信受命即發奮擊之
顯家顯家弟顯信收敗軍據男山諸將視直常不獲賞無
功敗者師直助直常攻之不能下四月師直聞顯家在和
泉慮其與楠氏合也分兵而南擊殺之安倍野五月帝遙
命義貞救男山義貞與高經相持使義助以二萬騎赴叡
皇七月尊氏急召還師直師直夜遣謀燒男山積聚信
遠棄守走義助望火退去於是義貞義助合兵以向
全足羽城城兵不滿三百高經曰守不可克走不可逢寧
死焉城王朝倉廣景贊之乃修整壘屬之廣島平泉
來告曰叡山與我爭藤島今公附之於我則願効力

焉高經許之新田氏兵攻藤島僧兵力拒高經使細川孝
共鹿其公相以三百人救之途與敵兵遇蔽楯亂射斃其
一將氏家重國持其首歸高經視之曰何省左中將之醜
也果然則左肩常有箭瘢命洗面瘢觀驗其尸齋帝詔
驗其二刀鏤曰鬼切鬼丸乃知其義貞也收尸葬之獻首
於尊氏徇梟獄門北朝於是陞尊氏正二位任征夷大將
軍四年遣諸將援高經走新田義助殺畑時能北陸盡平
義助走美濃土岐賴遠攻走之興國元年義助病卒於伊
豫細川賴春攻拔諸城悉殺其族黨於是官軍諸將大半
死亡其將士相率來降而尊氏之業終如初志尊氏使直
義與高師直並執政謂之曰吾慕右大將之信賞必罰而

憾其多疑刻刑也女副我意勿猜且吝於功臣焉宿仇勁
敵降輒納之當是時氏族最富貴者四十三人割地賞功
徵發軍糧雖朝貴之邑不避也至朝貴務學東人言貌以
計免侮謾初尊氏之立光明帝時人爲之語曰王無一戰
之功而受帝位於將軍光嚴上皇嘗出行途遇土岐賴遠
前驅叱下馬曰院也賴遠時被酒怒曰院邪夫邪誰能下
我者環射其輿而去蓋院夫國音相近也直義聞之誅殺
賴遠使姪賴康承家時人復相謂曰院且下之即遇將軍
常手行邪天下方服足利氏恩威稍屬無事而連年飢疫
多災異僧疎石進說曰是先帝憤怒所致宜興寺以修冥
福時帝既崩行宮後村上天皇即位故稱先帝也尊氏直

義以爲然興寺于龜山殿址自興國至正平七歲乃成石
曰天龍以疎石爲主親臨慶之大設法會又爲文祭先帝
敘其舊恩然行宮君臣及新田楠北畠菊池氏遺孽伏匿
諸國者欲必報足利氏興國三年高師直從弟師冬攻北
畠親房於陸奧四年親房走歸行宮新田義治匿京師謀
襲尊氏不成正平三年正月楠止行起兵河內遣細川顯
氏山名時氏戰于攝津敗還更遣高師直率諸將擊之四
年師直與正行戰四條畷縣某擊其前武田信氏擊其後
佐佐木高氏等繼之大破正行正行決前將士散走上山
高元者以常服從在師直麾下會正行突入高元急取師
直副甲左右叱止之師直曰母也彼能代我死者我何惜

一甲焉高元感激僞稱師直死師直因得免竟斃正行進
焚行宮使師泰築壘于石川以攻楠正儀是歲北朝太子
受禪是爲崇光帝師直兄弟屢立功專橫時方大亂親王
公卿多流離者師直乃畧其子女爲妾妾有數十嘗讒殺
噲治高貞欲奪其妻師泰嘗與別第發菅原氏墳墓聞參
議菅原在登出怨言密使人刺之世莫敢言上杉重能畠
山直宗嫉其權勢計輔直義以排之直義方學禪於疎石
疎石弟子妙吉最所崇信人爭事之獨師直兄弟輕侮之
垂能直宗因結妙吉妙吉從容說直義曰自古家之女兒
由宰之賢否君獨不聞趙高離間骨肉乎公速誅師直代
以上杉畠山以輔郎君郎君謂直義幼子也直義父養尊

氏庶長子直冬任左兵衛佐於是出爲中國探題居鞆津
按驗守吏功罪而二高過惡益著八月直義與重元直宗
及粟飯原清胤齋藤利康等謀伏甲而召師直師直至直
義三條第清胤意中變曰師直使去師直覺輒起出其夜
清胤與利康就告其謀師直乃聚族黨自備召師泰於石
川乃使畠山國清代守而還直義聞之使人逆說之曰我
欲以子代乃兄師泰曰剪枝及根尊意可知臣將面答之
率騎三千卒七千人持一楯卽日入京師師直令赤松則
村扼杉舟二坂以備直冬尊氏驚使使召直義直義入尊
氏東洞院第具兵稍稍去歸師直留者不滿千人旦日二
高以兵數萬來圍之尊氏使人出責問之答曰欲執讒人

耳麾兵逼攻尊氏怒欲親出戰直義扼之曰且聽其所言何遽與家僕爭尊氏從之師直乃解圍而去遣兵捕妙吉弗獲流重能直宗於越前召義詮執政以其弟基氏代居鎌倉師冬與上杉憲顯輔焉擯直義居錦小路第人莫敢注獨僧玄慧時問之而已尋削髮以堅二高之意二高密使人殺重能直宗及直冬直冬逃於肥後少貳賴尚以女妻之三角某起兵於石見以應直冬五年二高往擊之曾土岐賴明叛尊氏乃召還師直佐義詮擊賴明虜之義詮任參議兼左近衛中將師泰攻拔石見五城終關三角未能下而鎮西悉附直冬師直勸尊氏親征以示嚮背尊氏從之師直又欲殺直義而行直義即夜出奔南都不內走

倚越知某終卒於南朝石堂義房其子賴房尋山清上杉顯能皆降焉顯能重能子也明年直義入據男山桃井直常素怨師直不賞已也以越中兵入據叡山約攻義詮義詮西奔遇尊氏師直還自備前合兵擊直常走之而將士多叛且日義詮走丹波尊氏師直走播磨直義遣賴房來攻尊氏會師泰至自石見尊氏并其兵逆擊賴房時赤松則村已死于則祐保白旗城不出直義又遣國清援賴房戰于御影瀆尊氏大敗入松岡城城狹隘兵士填咽師直逐雜卒出之衆怒而散將士亦出亡在者屢五百人尊氏師直釋甲且自殺訣飲至夜半會亡將饗塲氏直敲門來報曰臣潛就國清謀媾國清曰錦小路公固願之矣因

出示男山來書辭信然尊氏喜挺身歸京師二高不知
所出欲削髮降藥師寺公義勸其戰死不聽二高欲奔四
國聞細川顯氏舉四國應直義則欲航海東投師冬會中
斐人來告上杉憲顯與義子能憲起上野應直義擊師冬
師冬終走中斐爲諷訪氏所攻殺二高愕然遂削髮被笠
蔽面東走欲追及尊氏上杉顯能兵故遮其間使不相及
比濟武庫川三浦某叱師直曰何物比丘敢爾蔽面奪笠
覩面曰是也薙刀斫之師泰望見欲走吉江某檢刺之師
直子師夏等皆被殺於是尊氏自播磨義詮自丹波直義
自男山皆入京師置酒會宴然寡語而罷直義素飾情要
舉多歸之者上杉顯能以擅殺師直爲尊氏所逐而畠山

石堂桃井氏乘勢驕肆與仁木細川土岐佐佐木氏相
時訛言每夜有勒丘於部者二黨交爲警備少納言藤原
有範以儒學爲直義所親信以太公望自比說直義曰參
議滌亂軼於商紂公修周文之德誰不嚮服直義意益驕
七月直常義房又說曰聞仁木賴章等各歸其國赤松則
祕與南朝通皆以將軍父子意而圖公也公宜速赴北國
連臣邑越中甲斐以自固直義遽出奔將士率從之京師
空虛義詮大懼且抵尊氏弟請備其返襲尊氏曰有命在
天何足虞也吟嘯自如八月聞直義在敦賀以萬人赴討
九月直義兵六萬來陣八相山迭有勝敗細川顯氏畠山
清勸直義媾和不聽二人怒降尊氏十月直義自越前

走赴鎌倉尊氏患之乃因赤松氏請和南朝留義詮守
邸而自將東伐遠江以東盡附直義尊氏以三千人保薩
睡山直義陣伊豆府遣上杉憲顯石堂義房等將數十萬
迎擊尊氏十二月宇都宮氏綱發下野兵應尊氏遇桃井
直常于利根川戰而克之進至足柄山麓炬火彌野直義
兵望見輒潰仁木義長以三百騎追擊至伊豆憲顯走信
濃直義與義房匿于北條尊氏遣義長等執直義入鎌倉
基氏切救援之不聽基氏出奔安房尊氏使人召還之無
何直義暴卒尊氏留鎮關東七年二月楠氏北畠氏以兵
數千人奉帝襲京師細川顯氏敗走細川賴春死之義詮
與百餘人至勢多橋橋已斷欲自殺曾我某滔至前岸取

舟濟之依佐佐木土岐氏北朝二上皇一帝皆被虜新田
義興義治亦奉宗良親王起兵東國來攻鎌倉稱十餘萬
諸將以兵寡復議避之安房上總尊氏曰關東諸國聞我
逃鎌倉則必率歸於敵不如逆擊也乃使基氏留守而自
將五百騎發行收兵至武藏得數萬騎饗場氏直爲先鋒
與義興弟義宗戰其兵皆少壯銳進敗走入尊氏軍尊氏
軍亂遂大敗走至石濱近士二十餘騎返戰死之仁木我
長伏兵擊義興等大破之初石堂義房三浦高遠叛爲內
應約戰酣起刺尊氏義房語之其子義基義基告之尊氏
義房高通出奔於是與義興合七千人反襲鎌倉基氏出
戰不克走歸尊氏于石濱諸將士稍稍來集凡八萬餘人

而北彰憲顯自信濃淑附濊綜合二萬騎陣確冰尊氏曰
先破衆者寡者自走進攻義宗走之義興等亦散走京畿
將士聞尊氏捷則率歸義詮義詮得兵三萬人京師官軍
退保男山三月義詮與細川顯氏赤松則祐會絕官軍糧
道圍男山數日會山名時氏與子師義亦率山陰兵來助
攻奪淀口四月諸將齊進攻北島顯能于園殿楠正儀于
更科破之五月終陷男山帝南走八月義詮立崇光太子
初光明之立也後醍醐天皇以偽器授之二月之亂其器
又毀於是公卿議無劍璽而卽位不可關白藤原良隆曰
尊氏爲劍長基爲璽何不呵遂立是爲後光嚴院當是時
政在於義詮義詮寵佐佐木道譽道譽卽高氏信綱也

孫也初勸尊氏滅北條氏數困新田氏及直義直冬叛不
爲變志屢拯義詮之危以故寵幸用事子秀綱弟氏賴等
皆被親信山名時氏負功欲得邑於若狹使子師義就道
舉請之曰將軍所約也道譽方宴不顧師義立至日暮乃
忿曰我寧須汝乎馳歸伯耆與時氏俱應官軍吉良滿貞
石堂賴房皆黨直義赤松氏範與兄則祐惡皆起應之八
年六月同時入京師義詮移北帝于叡山而自陣鴨河東
道譽先敗細川清氏獨止戰義詮召還之已而山徒又通
款於敵義詮走近江新田氏餘黨堀口貞祐率土寇要擊
秀綱死之行至鹽津山遂復起兵潰清氏下馬負北帝東
走達垂水尊氏已定關東留基氏鎮之佐以畠山國清也

西興義詮遇與共入京師而時氏兵日逃亡走歸伯耆時氏乃曰衆之不歸我我知其由也乃索直冬直冬自直義死匿于長門於是時氏雖戴之歸者果多是利高經桃井直常法來送快高經之克新田義貞也得其二刀尊氏欲取之曰源氏之寶也宜傳之宗家高經斬之給曰嚮託於長崎道場惟災矣取他刀二燒而獻之尊氏怒擯斥高經高經怨望終歸直冬九年冬直冬等並起東攻京師義詮與道譽出拒播磨明年正月直冬時氏自丹波入往木賴章新爲執事不敢要擊尊氏奉駕走近江六角氏賴仁木義長等來援之而細川賴之以西國兵入援賴之賴存于也於是義詮陣于神南山時氏師義與楠氏兵還攻神南

山諸將拒戰大敗師義觀四日旗號曰彼非道譽乎麾卒逼擊赤松則祐侍義詮呼騎兵勗之憑高馳下師義被傷走尊氏在叡山聞神南之捷進陣東山道義長清氏與高經有常戰終攻直冬于東寺義詮軍山崎賴章軍嵐山絕其通道直冬遂走界浦卜戰于八幡廟巫曰神意不右抗父者諸將乃解去尊氏迎駕歸京師二上皇亦至自吉野十三年四月尊氏患癰薨年五十四北朝贈從一位左大臣以義詮襲征夷大將軍基氏爲左馬頭官軍乘足利氏之喪所在並起鎮西探題一色直氏爲菊池武光所敗義詮遣細川繁氏伐之道病死少貳賴尚大友氏時數擊武光而新田義興謀襲鎌倉基氏使畠山國清誘殺義興親

觀兵於入間河關東大伏國清說基氏曰故將軍捐世天下疑兩公之相忌也臣請得將兵南定吉野以解新將軍之意基氏然之發八州兵附國清西上十四年冬國清入京師明年正月義詮率諸將出軍尼崎國清進軍筒山使弟義深別攻龍門救歸又使弟義熙代攻拔之赤松氏軼約爲內應不成來奔諸將亦拔三城遂攻楠氏赤坂走之楠氏奉帝匿金剛山五月義詮在凱旋國清之入京師視仁木義長專橫深嫉之乃密謂諸將曰是役實圖義長也彼日陣西宮未嘗進戰聞敗則喜聞捷則憂吾請從諸公誅奸臣時細川清氏等素與義長有隙亦同之七月楠氏出兵攝津國清清氏即赴之議返擊義長義長聞之遣子弟

徑諸路而自以兵守義詮佐木道譽夜潛自側門入見義詮曰諸將所圖而將軍右之何也然諸將意亦不可測也今臣與義長議事於外將軍以其間出逃西山義詮乃稱疾作就寢義長罷出會道譽來與語至夜半道譽去義長入臥內自事無答者乃大索之不得其真潰散遂走歸御勢官軍乘弊並起衆歸罪於國清國清懼東歸路經義手邑屢免而歸義長使弟義佳與石堂賴房陣葛木山義詮命六角氏賴土岐直氏擊降義佳遂討義長義長遂降官軍十六年山名氏遙應義長攻取美作楠氏攻取攝津殺佐佐木秀詮秀詮道譽孫也初赤松範資爲攝津守護傳之子光範道譽譖而奪之又欲奪加賀於富樫氏予之

於其婚斯波氏因細川清氏延爭之乃止清氏和氏子也
時爲執事赤松則祐亦娶道譽女清氏欲得則祐管内一
邑以賞其戰上道譽不許清氏嘗設宴請義詮道譽更爲
尚會請爲義詮願如佐木氏以故兩家相惡清氏冠其
子于八幡祠命名八幡源氏故事也義詮猜之會有僧善
禱者自鎌倉來一日造佐佐木氏從容語次及清氏託願
書之事道譽索觀其書不復返與明日袖適伊勢氏請上
義詮伊勢是利氏之司傳宣者也伊勢視其書呪義詮基
氏而自代之也伊勢心疑之未上也義詮偶有疾道譽入
而視之問曰見清氏書邪義詮曰未也召伊勢而上之義
詮因檢八幡祠又得清氏願書與前書同於是陰謀誅之

後數日清氏詣天龍寺多幸甲士義詮以爲謀泄夜遽走
新熊野撤橋而守清氏大驚使人訴其寃不答乃歸其邑
若狹留弟將氏以明無異志不數十日義詮遣兵討清氏
清氏南走因石堂賴房降官軍自此國清亦叛基氏國清
之西也關東將士多亡歸者國清盡收其邑將士連署訴
之基氏基氏詣國清國清懼走伊豆弟義深走信濃並起
兵應官軍清氏奏足利氏兵東拒義長西拒時氏臣請乘
其虛克復京師詔許之十二月清氏賴房等北上諸將不
敢邀擊義詮與道譽挾北帝走近江義詮子春王猶幼爲
從者刈拖走南禪寺僧良芳匿之衣被中送致赤松則祐
則祐奉之白旗城而引兵入援遣弟氏範襲行宮姪範實

與足利高經等從義詮於山江凡一萬餘騎而無附清氏者十七年正月清氏遁去義詮乃歸京師初道譽將走酒掃其第大壺貯酒留立僧誠由來者犒之已而捕正儀來僧迎竊之清氏欲毀其第正儀不肯留鎧刀謝而去時人稱道譽老手博得止儀鎧刀傳以為笑清氏走讚岐圖再舉山名師義田兵為援義詮令細川賴之擊清氏今川貞世擊師義師義糧盡而走清氏與弟氏春等據白峯官軍將中院氏據西長尾遠近競起應之賴之方在備中七月就歸歌津先遣其母說清氏曰公蒙難而逃僕亮其心雖然自棄舊勳割離親戚公亦何忍也今苟改圖則聽公自新邑土如故僕為公保之清氏問答累日中國兵追附賴

之賊壘全成乃絕清氏召其將新關直行曰彼主我客各利速戰女向長尾使彼分兵而潛歸與吾夾攻清氏清氏慄悍獨身輕出一戰可擒直行乃以兵五百行縱火向長尾清氏曰長尾陷則敵出我背不可不救遣氏春以千餘騎赴救直行射戰至暮列炬而潛還黎明與賴之攻白峯呼聲挑戰清氏輕中馳出馬負箭殪與兩騎搏而死氏春覺直行去追之途望白峯皆賴之旗幟矣乃走和泉長尾不攻而陷四國盡定而國清義深又降於基氏基氏將誅之國清西走降官軍不許終餓死義深脫走後降義詮於是降者相踵大內弘世久屬官軍略取周防長門乃舉二國來降十九年山名時氏仁木義長石堂賴房吉良滿貞

等皆降義詮皆有其罪基氏亦思上杉憲顯之育已也招
之信濃援以越後守護逐舊守護清禪河禪河拒憲顯不
克走下野已而基氏召憲顯於鎌倉禪河又襲擊之基氏
怒自將討之大戰于若林破之禪河遁走乃以憲顯執事
以代畠山國清細川清氏之敗衆推斯波氏因代執事焉
氏因高經子道譽婚也高經短氏因薦後妻子義將執事
而已決之高經及觀北條氏盛時衆期其治平已而所爲
多失人望初尊氏直義賦文武邑入五分一充軍興費
高經倍之如建武故事衆怨之義詮造坊門第課諸將助
工赤松則祐功緩高經罰奪其邑一所造五條橋道譽董
役徵京師戶租久而不成高經損私金立成之後高經宴

諸將於幕府道譽乃託事不實而私張伎樂于大原高經
卿之會道譽不納賦二歲因奪其攝津守護道譽終與則
祐等共譖高經義詮即密徵兵備之高經入見訴寃義詮
慰解遣歸越前二十一年十月遣山名時氏畠山義深等
攻高經父子二十二年七月高經病死義將降高經既死
義詮欲以道譽執事基氏薦細川賴之代之更稱執事曰
管領十二月我詮有疫使幼子春王監政是爲義滿義詮
遂薨義詮官至正三位大納言是歲夏基氏亦病卒基氏
官至從三位左兵衛督基氏材武爲義詮鎮關東使不失
尊氏舊業時論惜之其子金玉嗣武是爲氏滿二十三年
義滿立甫十歲細川賴之爲管領焉初義詮臨終撫義滿

謂賴之曰予汝一子又指賴之謂義滿曰予汝一父賴之
既以遺託輔幼主內外望洽乃擇方正之士文武備具者
待其左右又擇滑稽者數人削髮穿大袴佩長刀大巾目
以童坊出衣府中爲將士弄容將士中有便佞者賴之輒
使其所善衆呼之曰有髮童坊以斬辱之更相懲戒士風
大革賴之又作五箴授將士曰母偏愛憎母修因仇母枉
是非母僥倖母私匿又使今川小笠原伊勢三氏草將府
禮式檢導氏義詮所下文書其出於高氏佐木氏宜達
者漸收奪之世稱基氏善知人義詮善任人云基氏臨終
亦託氏滿於上杉憲顯曰謹奉京師約束莫或倍畔氏滿
少於義滿一歲憲顯盡心輔翼關東倚安焉二十四年義

滿冠賴之爲質焉義滿遂襲征夷大將軍是歲上杉憲顯
疾卒義子能憲代爲執事先是有平一揆者放據河越憲
顯奉氏滿討滅之宇都宮氏叛又擊平之及能憲代執事
新田義宗等起兵能憲與弟憲春擊獲義宗建德二年菊
池武敏起兵肥後賴之以今川貞世爲鎮西探題令大内
義弘助焉以備之又命弟賴元助南朝降將以攻吉野文
中元年北朝太子受禪是爲後圓融帝二年遣細川氏春
攻吉野獲藤原隆俊是歲直冬自石見來降義滿起弟于
室町稱花御所遣四足門天授四年徙居焉五年義滿出
軍于東大寺遣山名義理山名氏清南侵拔土九城益兵
兵於近江美濃美濃土岐康行叛因又召兵於鎌倉討之

是時憲為鎌合事其弟憲方兵而西會康行降
乃止而氏滿聞將士多怨望義滿者也竊有異謀謀寢泄
義滿召還南師潛賜手書於憲春以氏滿氏滿弗聽憲春
憂懣自殺氏滿驚悔謀遂解以憲方為執事上杉顯川二
氏久執權於東西義滿漸長頗忌賴之近臣從而忌之四
月義滿集兵於幕府遣使者就賴之第罷職就國以斯波
義將代為管領賴之即日上途尋削髮號常久作詩曰人
生五十愧無功花木春過夏已中滿室蒼蠅掃難去起尋
禪榻臥清風已而義滿思其勤勞命總管南海焉六年山
名氏清大破官軍于南海弘和元年又入破之南海盡定
獨吉野隸南朝而已是歲北朝太子受禪是為後小松帝

三年帝幸室町第元中四年帝冠義滿理髮攝政藤原良
基加冠以為恒例良基歷仕六朝中立自全最與義滿親
善五年義滿游紀伊及駿河圖東南也六年又欲圖西海
游淡島召見賴之命具舟赴鎮西遇風而還至讚岐乃舟
人與語久之賴之感涕而出義滿遂歸京師當是時四方
漸定諸宿將如赤松則祐佐佐木道譽前後死亡其嗣皆
孱獨山名氏聲威甚熾初山名時氏叛略取五州降因為
其守護焉八子師義後時義氏清氏冬義數高義氏重
皆顯於世富最諸將世相諱曰欲大其家莫善於叛及義
理氏清又攻取南海凡山名氏所管跨十州世呼曰六分
一氏謂六分海內而有其一也義於時之常陰計誅鋤之

時義承師義後其三子時熙氏幸分襲但馬伯耆守護師
義子滿幸浸譖之欲奪其國七年義滿命氏清與滿幸赴
討時熙氏幸氏清臨發請曰彼降而可赦則臣先諭之使
來不必避討也義滿曰降不赦也乃往擊走之氏滿因分
賜二州於氏清滿幸又令細川賴之討平備中八年春召
賴之京師以其養子賴元爲管領而賴之決事焉會時熙
氏幸來訴冤義滿欲許之十月氏清請義滿於宇治別第
觀紅樹先期一夕氏清發和泉北上將視具也滿幸邀之
浣告曰如開幕議復時熙氏幸舊領詰朝之會將面命之
也公宜稱疾辭會氏清怒曰何與去歲言相反也彼輕侮
如此何拜趨之爲乃使人要義滿於途曰臣僕獲疾不能

迎侯義滿已至宇治迴駕而歸一行驚異滿幸娶氏清女
尤見親愛所言皆聽自在京師而總管四州管內有上皇
品奪而并之義滿數下教還納滿幸佯迎上皇使而陰誡
邑人逐之義滿大怒命滿幸罷就國曰汝宿備無益宜去
據汝國十一月滿幸歸丹後京師指日快之滿幸慚恚潛
往界城說氏清曰近日之政公謂之何去歲使吾曹討時
熙氏幸而今歲赦之將反討吾曹是非前枝絕根之計于
今闔族戮力以舉大事任京諸將誰能敵我苟得取京師
附者必多如土岐富樫諸族方懷怨望必先衆來屬公速
揚兵以除細川氏爲辭事無不成矣氏清素有異志自負
材武士岐康行之叛也義滿即討平之氏清聞而笑曰康

行身與耳至如乃公自不然也於是遂納滿幸言合謀約
期而別各自集兵欲夾攻幕府幕府未之覺也議曰氏清
亡狀不可不譴責而事端於復邑邑不果復則是予奪聽
於下也於是果復時熙氏幸之邑遂議討氏清氏清聞之
故使使謝前日之罪者再三義滿徵誓書宥之舉卒解十
二月丹後人上變告滿幸及幕府未信島山基國將游佐
某又自河內告氏清大修戰具將發基國義深子也已而
氏冬出奔男山義理又舉紀伊兵北嚮於是京師大擾義
滿以書諭義理義理不聽於是義滿乃親臨古山滿藤第
會諸將議戰以視其嚮背諸將皆至衆議不決或曰審聽
彼輩所訴以舍之必無事矣義滿曰氏清蓄異志日久今

日之舉非必有所訴即今日舍之明日復反吾聞彼輕易
諸君曰幕府諸將誰能敵我吾爲諸君恥之不可不誅也
意彼必謂我據東山叡岳也吾乃親出陣東寺而諸君盛
兵於內野彼見內野軍必來衝焉則鼓螺相應來而擊之
可一戰而殲也衆皆然之一色詮範前曰臣敢獻異議夫
元帥在後諸將前進是戰之宜也前議反之且東寺內野
地勢隔絕難於策應不如諸將陣內野屯一隊于東寺而
以臣弟爲牙管則彼必悉銳赴我中軍其雋可獲也被即
自東洞院北上乎則諸將迭出要之衢巷中東寺兵尾擊
其後可以鑿之義滿曰善明早遣今川泰範六角滿高以
八百騎據東寺而自與弟滿詮率三千騎出陣于詮範堀

川第烏帽直垂帶刀而不甲討家僕之禮也諸將皆偏甲以次而前細川賴之細川賴元畠山基國赤松義則備其西北佐佐木高詮斯波義重備其西南以大內義弘為先鋒兵凡五千餘環內野而陣初氏清滿幸期是月二十七日入京師而游佐某寨河內岳山以要氏清兵後期二日至男山氏清在男山召其宰小林時直謂曰吾為赤松氏支族即代足利氏誰為不可吾得為將軍以汝執事時直流涕曰臣欲諫止此舉而久被疎斥乃今日得見耳今諸將之富誰如君家者背恩舉事神豈佑之即獲克乎諸將安能為我下臣惑嚮背焉獨有前死而已若夫執事職則命之他人氏清退囑義數曰時直意色甚決汝與之權

無依浪死我數意亦欲速死唯唯而退滿幸臣大足某亦謀滿幸滿幸不聽即夜氏清以二千騎浮橋濟淀使氏冬以三百騎遶鳥羽路會軍而滿幸千餘騎濟楠津欲自後應之已而滿幸夜迷失道氏冬軍又無鄉導徑淖中相驚而退氏清待報不至乃遣義數時直先進呼諫通義弘義弘陣大官謂其兵曰我曹數樹功於鎮西至戰上國今日為始汝等勛之縱射手二百而三百騎下馬楯進接戰數合死傷相當義數時直顧馳義滿軍義弘曰使敵雙騎過我營而北汝之罪也走而遮之手揮薙刀斬時直義數得聞北馳踰垣而墜為牙兵所獲義弘馳赴中軍上言曰臣殊死戰而氏清大兵繼至請賜援兵將軍喪臣誰繼臣者

義滿視其鎧馬朱殷壯之手賜佩刀曰更以此一戰因麾
 我則赴援滿幸至梅津聞大官戰已酣則疾進與賴之基
 國戰高詮來援擊上屋黨殲之斬大足而基國等兵不利
 義滿親赴援之大呼曰盍速梟豎子諸將爭進滿幸遂敗
 走義敷滿幸既敗敗卒走報之於氏清氏清乃與氏冬合
 而進義則逆戰其弟滿則死之山名時熙以事端起自己
 也力戰當氏清悉亡其兵走歸於義弘義弘義則交馳使
 乞援於義滿義滿領左右無可遣者詮範以軍吏在麾下
 自請而往勝敗未決於是義滿建牙旗而進氏清兵望見
 曰將軍至矣乃潰奔詮範與子滿範注曰氏清前鬪遂斬
 之及其義兒辰房辰房氏重子也氏清首至麾下義滿願

謂眾曰諸君視謀反逆者終如何也時十二月晦日也明
 年正月割山名氏地賞諸將賜和泉紀伊於義弘隱岐出
 雲於高詮美作於義則丹波於賴元山城於基國賜詮範
 以今富莊義則則祐子高詮道譽曾孫也時北朝年號明
 德謂之明德之役滿幸之走也有詬而止之者為不聞而
 逃二月歸伯耆使其將鹽冶師高守山雲高詮將吏來誘
 以稱師高答曰山名氏所以至此者失義於足利氏也吾
 亦不欲失義於山名氏吾父分自與吾異將出應命幸善
 視之乃諭其父出降送至城下既訣而自殺曰吾不忍與
 父鬪城乃陷其兵走報滿幸滿幸聞氏冬在因幡又走歸
 之氏冬素有降志欲迎擊滿幸以籍口滿幸終削髮逃鎮

西後氏清五歲而被獲殊氏清有二子時清初以父命逃欲歸滿幸而不相遇亦削髮南走欲見其母母愠不見伏及死二子走歸義理義理乞降義滿不許令義弘之國紀伊人盡附義弘義理航海逃氏冬乞降陳其初無叛志特許之於是事即定三月義滿欲率諸將賀提干男山細川賴之疾篤義滿止行使賴元問其所欲言賴之對曰近者山名氏族動歲教令臣常憂之今既獲焉天下誰復爲將軍之患者臣可以瞑也乃卒義滿親臨其喪垂泣送之爲手寫佛經又設法會于內野弔陣亡將士初氏滿聞氏清反發兵將西上爲其黨援聞其敗死乃止先是新田氏餘黨小山義政殺宇都宮基綱氏滿遣上杉憲方攻降

義政義政復叛氏滿自將擊殺之其孤穉狗又起兵於陸奧復攻殺之其黨田村則義小田五郎者亦起兵遣上杉朝宗擊夷之獲新田氏道孽二人送京師斬之義滿乃加封氏滿以陸奧出羽今川貞世等亦擊平少貳冬資等於足四方大定獨楠氏遺孽保守大和河內之間以爲吉野藩蔽義滿使畠山義深大內義弘圖之義深盡拔楠氏城壘吉野孤立義弘乃以義滿意奏請南朝講和弭兵駕還京師授器北朝則自今以後兩統更立猶北條氏時帝許之乘輿北還義滿以北朝意欲用來降禮帝欲用禪讓禮物讓洵洵六角滿高謂義滿曰器在彼彼乃真天皇矣君第聽之滿高義滿弟爲六角氏賴子者也義滿乃迎駕御

于大覺寺閏十月五日後小松天皇受神器於後龜山天皇後龜山即後醍醐皇孫也自後醍醐南遷凡五十有七年而北朝五帝改元者自曆應至明德十有七天下以足利氏故概奉其正朔至是與南朝合物情益服焉後小松天皇應永元年義滿請讓征夷大將軍於長子義持二年義滿削髮號道義營北山別業使諸將助役起金閣四年徙焉義持居室町第而內外之事取決於北山十一月氏滿卒子滿兼襲關東管領當是時足利氏威及外國朝鮮數遣使者鄭夢周等造今川貞世請修隣好是歲使者遂來京師義滿令大內義弘接待之義弘嘗說貞世曰左今之勢弱者被誅强者免禍公盍與我及大友氏連兵以自

強貞世不聽義弘反與斯波義隆等俱譖貞世義滿乃更貞世約宋九國皆危疑菊池大村氏並起兵義弘擊平之兵力益強陰與滿兼合謀東西相援以圖義滿六年滿兼密招貞世貞世封其書上義滿義滿召義弘義弘不來十月義弘遂帥周防長門諸國兵至界城土岐詮直起美濃京極某起近江山名氏清二子起丹後並應義弘而滿兼亦出陣武藏府宣言援義滿義滿於是急召貞世曰吾愧見公也時幕府兵寡土岐賴益六角滿高等往討美濃近江名者皆不堪戰義弘曰氏清唯攻京師自疲兵馬所以敗也因為守計修整壘起樓櫓自巡視日雖有百萬衆不能攻也義滿先遣僧中津請起兵之由義弘對曰我自十

六歲在鎮西大小二十戰夷氏清媯南朝功略匪渺昨
年之役介弟父沒而幕下不恤其孤也且聞有剗國之議
齊令少貳菊池誅我而頻頻召我我不能無疑吾已與鎌
倉公約將入謀幕下虐政也中津歸報義滿笑曰奴輩自
負其強不知乃公實使然焉乃自率管領以下諸將出陣
東寺遂進至男山近畿將士來集者三萬餘騎以細川賴
元等十一將將之往攻界城城甚堅固義滿命諸將息戰
築以圍至廿二月乃縱火四面而進樓櫓皆倒大戰良久
義弘走出談入營領畠山基國軍基國子滿家與鬪斬之
義滿乃賜紀伊於菊家賴元子滿元有功賜之和泉謂之
應承之役上岐詮直率皆平初詮直之舅曰康行康行者

賴元子也天授中襲美濃守護其弟滿貞在京師欲奪兄
職詮直諍直謀及康行助之義滿遣滿貞及從弟賴益往
高降之省康行逐詮直以故詮直遂死於叛近畿既平滿
兼乃引兵還鎌倉義滿謀知其謀或因問貞世曰貞世子
弟拙守遠江者與謀焉彼曩被命不即來者以此貞世懼
走却遠江義滿怒欲討貞世以及滿兼滿兼熱事上杉朝
宗白方兩和義滿乃賜滿兼以足利莊凡與謀者皆釋不
問貞世退居藤澤山杉憲定使人謂貞世曰子之退居適
足以招疑耳貞世乃歸遠江憲定憲方承也巳而義滿思
其功勞召在京師待之如初踰歲而卒貞世頗涉書史著
書幾切時政往往有中云初貞世父範國仕尊氏爲駿河

遠江守護命貞世襲領貞世不受使况範氏領駿河襲至
姪氏家姪孫泰範及義滿時乃割駿河收郡加賜貞世泰
範意貞世所請與義弘異譖之至是義滿終命貞世養子
仲秋襲領遠江如細川賴元故事七年大内義弘子持盛
來降以其嘗諫父宥之削其封之半義滿性豪侈而數平
亂逆志益驕待將帥甚器明臣汪來其家者或以家隸遇
之其削髮之歲適叡山儀准法皇御幸又喜土木創寶幢
相國諸禪寺定爲五山置僧錄司僧中津妙葩祖阿周信
等皆見厚遇先是我西海不逞之徒侵擾外國義詮時元
王令韓人來請爲戰之元亡明興明主元璋亦數托僧來
請八年五月義滿私遣祖阿通好於明參議菅原秀長

書書辭甚恭九年明主使僧道彝齋書及冠服封義滿爲
日本國王義滿受之至足利氏中世使聘往來皆以王稱
義滿又多內嬖生少子義嗣愛之欲廢義持未果先是帝
再幸室町第十五午三月請幸北山義滿自被法服攜義
嗣奉迎拜義嗣爲五位左馬頭遷四位少將四月冠于宮
中儀准親王自是嫡庶不相善識者譏之然尊氏義詮之
世諸將徂恩叛服無常自氏清義弘伏誅無不畏服者世
稱義滿生歲戊戌字皆從戈故能以戈戟平天下也

外史卷七終

御製通志

卷之十

三十三

惟是... 皇... 中... 論... 物... 雖... 日... 古...

(This page is mostly blank with some faint bleed-through from the reverse side.)

